

## Yeshua, Esun Ungi di Israel i Juda; e Palabra di Dios!!!

Pa e motibu aki **Yeshua, Esun Ungi** a bisa: "No kere of **pensa ku Mi** a bin pa **abolí of anulá** e **Lei òf e Profetanan**; **Mi** no a bin pa **abolí of anulá**, sino pa **kumpli i klarifika**. (**Mateo 5:17**).

### Yeshua: e Lei, e Enseñansa di Dios Tata!!!.

**Selebrá pa shete dia un fiesta na SEÑOR bo Dios**, na e lugá **ku SEÑOR skohe**, pasobra **SEÑOR bo Dios** lo **Bendishonábo** den henter bo kosecha i den tur **e trabou di bo mannan**, asina ku lo bo ta **bèrdaderamente yen di Goso**. "Tres biaha pa aña **tur bo hòmbènan** mester presentá dilanti **di SEÑOR bo Dios** na e lugá **ku E skohe**, na e **Fiesta di Pan Sin Zürdeg**, na e **Fiesta di Simannan** i na e **Fiesta di Tabernakelnan**, i nan no mester presentá dilanti **di SEÑOR** man bashí. **Tur hende mester duna manera e por**, konforme e **Bendishon di SEÑOR bo Dios** ku **El a dunabo**. "Nombra pa bo mes huesnan i ofisialnan den tur bo statnan **ku SEÑOR bo Dios ta dunabo**, segun bo tribunan, i nan lo huzga e **pueblo** ku **huisio hustu**. **No trose Hustisia, no hasi distinshon di persona** i **no aseptá plaka pasá bou di mesa**, pasobra **plaka pasá bou di mesa ta siega wowo di e sabí** i ta **pèrvèrtí e Palabranan di e Hustu**. **Sigui Hustisia**, i solamente **Hustisia**, pa bo **Biba i Poderá** di e **tera** ku **SEÑOR bo Dios ta dunabo**. "No **planta** pa bo mes un **Asera** di ningun **sorto di palu** banda di e **Altar di SEÑOR bo Dios**, ku bo ta traha pa bo mes. Tampoko no lanta pa bo mes un **pilar sagrado**, lokual **SEÑOR bo Dios ta odia**. (**Deuteronomio 16:15-22**).

### Yeshua: e Lei, e Enseñansa di Dios Tata!!!.

**Moisés** a bisa: '**SEÑOR Dios** lo lanta un **Profeta pa boso**, manera ami, for di **boso rumannan**; na **djE boso mester skucha** den tur kos **ku E ta bisa boso**. I lo sosodé ku **tur alma** ku **no skucha** na e **Profeta ei lo wòrdu destruí** **kompletamente for di meimei di e pueblo**.' "I di e mesun manera **tur e profetanan** ku a **papia**, desde **Samuel** i esnan ku a sigui, tambe a **anunsiá e dianan aki**. Ta boso ta e **yunan di e Profetanan i di e Aliansa ku Dios** a sera ku boso **tatanan**, bisando **Abraham**: 'I den **bo simia tur e famianan di mundu** lo wòrdu **Bendishoná**.' Pa boso, na **promé lugá, Dios a lanta Su Yu** i a **mand'E** pa **Bendishoná boso** dor di **hasi kada un di boso bira** for di su **inikidatnan**." (**Echonon 3:22-26**).

### Yeshua ta e Palabra di Dios Tata!!!

**E Palabra di Dios ta bisa; kana** den **Mi Kamindanan** i **kumpli** ku **Mi Ordenansanan** i **warda Mi Statutonan**, **obedese** na **Mi òrdu**, i **aseptá Mi Mandamentunan**, i **siña** di **Mi Leinan**; **Ami ta SEÑOR**. Ma e **Palabra ta** masha serka **di abo**, den **bo boka** i den **bo Kurason**, pa **bo kumpli kuné**. (**Deuteronomio 30:14**). **E Palabra ta** serka **di abo**, den **bo boka** i den **bo Kurason**" esta, e **Palabra di Fe**, kual nos **ta Prediká**, ku si **bo Konfesá** ku **bo boka Yeshua komo Señor**, i **Kere den bo Kurason ku Dios a lant'E** for di e **mortonan**, lo **abo ta Salbá**; pasobra **ku Kurason hende ta Kere** pa haña **Hustisia**, i ku **boka e ta Konfesá** pa haña **Salbashon**. (**Romanonan 10:8-10**).

30 ougùstùs 2020

Sea Bendishoná ku e **Amor di Dios Tata; Yeshua Mesias**  
Un Fiel Sirbidó di Dios,  
Remsly L Riley